

Kominyon

62-0204

Branham Tabènak, Jeffersonville, Indiana, Etazini

1 ...nan gòj mwen depi kèk, kenz sèvis konsa laba an Arizona. Nou te gen yon moman mèveye. Seyè Jezi a te jis beni nou anpil anpil, an abondans. Yo te eseye travay jis on tijan dapre estrateji Seyè a, mwen kwè sa, sa ta dwe fason pou di I, ale anndan an pou byen chofe plas la, dabò. Mwen t al kèk jou davans, nou te gen dis a douz sèvis nan tout gwo legliz prensipal yo atravè Phoenix, Sunnyslope, ak Tempe e Mesa epi tout anba la a, e nou te on jan byen chofe I toupatou epi apresa pou te kondui I nèt pandan senk sware konvansyon an. E se te pi gwo konvansyon nou te genyen an Amerik di Nò. Se te yon gwo zafè. Pi gwo ti dejene, epi—epi bankè sware sa a tou.

2 Mwen jis pa ka di w ki kantite ki te resevwa Sentespri a. Se te—se te pa pakèt kantite ki te resevwa Sentespri a, ak kantite ki te geri epi—epi ki te sove, se—se jis mèveye. Kifè nou gen Bondye rekonesans pandan nou wè tan an ap vanse. Anpil gwo zotobre te vini. Youn nan...

3 Sa ap fè Frè Neville di byen anpil. Mwen te wè yon minis Prezbiterien, ki vin de pi gwo Kolèj Prezbireryen nan...nan nasyon sa a, ki t ap danse an Espri. O, la la, se te vrèman kichòy, li te resevwa Sentespri a. E apresa li te di m, li te di, “mwen gen youn nan bann/kasèt ou yo.” Li te di, “Li pa t tèlman bon.” Li te ajoute, “Sa jis on jan ap sote, men,” li te di, “mwen te mennen I dirèk nan kolèj mwen an e m te jwe l.” E li te di...Poutèt li se gwo zafè nan sikoloji la, li te ka kenbe yo frankil. “Ebyen, yo dwe tande L yon fwa, kanmenm,” li te ajoute. E li te di ke li te gen...

4 E li te di li dwe danse an Espri nan legliz li, apre l te fin resevwa sentespri a, e yo te di l, “Reveran, se kilè ou pral aprann yon nouvo pa?”

5 Li te reponn, “Lè kongregasyon m lan va aprann sa a.” M te panse ke se te vrèman byen, ou konnen, gwo zotobre Prezbiteryen, wi, ki te di, “Lè kongregasyon m lan va aprann sa a.” Kidonk sa se yon bon bagay. Jis tankou yon ti bebe, ki fèk fèt men ki te la...Ebyen, nou konnen kisa sa pran, pou w vin pwofesè sikoloji nan pi gwo Kolèj Prezbiteryen nan Boston, bon, se Ozetazini.

6 Mwen te wè youn nan chirijyen kadyològ dirijan Mayo yo ap preche Levanjil an Espri ak pale an lang. O, la la! Mwen te wè yon lòt espesyalis, ki te yon Advantis di Setyèm jou, ki vin de...Li te yon—yon—yon espesyalis pou kè ak gòj tou, e li menm, yon nomm aje, te resevwa batèm Sentespri a. Li te resevwa L. Yon sware mwen te poze men sou li nan lakou a, e li te resevwa Sentespri a. Kidonk nou...jis gen sitèlman de bagay ke Seyè nou an te fè ki te fè nou gen rekonesans, espesyalman pou wè l nan moman sa a.

7 Alò mwen te di yo, “Èske nou reyalize ki tan sa a ye lè vyèj andòmi yo kòmanse ap mande lwl?” Se te tan kote Epou a te vini, e moun yo, sa ki te prè yo te antre. Oo, mwen sitèlman kontan konnen ke n ap viv la nan dènye jou yo. Ou wè? Mwen kwè ke n ap viv nan youn man moman ki pi ekstraòdinè ke monn lan te janm konnen, jis alavèy sVini Seyè a. Èske sa pa mèveye? Panse, ke a tou moman la, tout Ekriti yo jis sou pwen akonpli! Kifè n ap atann Li a tou moman. E nou ta dwe ap viv nan jan de atant sa yo, ke, a tou moman sa ka rive. Priye vrèman, rete prè!

8 Konsènan kèk nan entèvyou jodi a, mwen, gen youn, m te rankontre yon misyonè ki vin de Fòmoz, yon dam de byen, ki gen swasann trèzan, men k ap pase pou anviwon karant senkan. E manzè toujou yon—yon Madmwazèl, e li dwe te yon bèl jèn fi. Li te di ke li te grandi nan yon fwaye Kretyen kote “wi” te vle di wi, e “non” te vle di non. E li te leve nan ansèyman estrik sa. E li te di, “Frè Branham, a laj de apeprè, oh,” dizon, “apeprè uitan, m te panse ke m te bay Seyè Jezi vi mwen.” Li te di, “A anviwon douzan, yon sèten minis denominasyon te sedui m, ak zafè mwen dwe jwenn dezyèm benediksyon an,” epi l te di, “e m te sedui byen fon nan sa.” Men li te di, “A anviwon disètan, m te vrèman resevwa Sentespri a.” E manzè retounen la kounye a ap eseye reveye kèk legliz Batis k ap dòmi. Li te di si—si gen yon bagay li te wè se te “lanmò,” li se yon Batis pou tèt pa l, li te mande, “èske legliz Batis mouri sa yo retounen la a.” Li te rele yo “mòg.”

9 M te reponn, “Ebyen, mwen kwè lè w sou chan d batay...” M panse kounye a li...Jis panse, mwenmenm, ki gen senkanndezan, manzè te deyò a antan ke misyonè anvan m te fèt. Epi m ap panse ke m te kòmanse twò granmoun pou al nan chan an. E m te reflechi, “O la la, padonnen m, Seyè.”

10 Epi manzè, ap pepe, jis ap briye, klere otan l kapab. E apresa li t ap di m eksperyans li yo sou wout la, kòman Levanjil la se yon nesesite nan Fòmoz ak—ak Lachin, ak Japon, e latrkiye. Konsa yo te retire l soti sou chan an, ap di, “Ou pa ka al nan chan misyonè apre w depase swasann dizan, ou konnen.” Kifè yo te voye l tounen. Men li pap rete trankil, li pral nan tout konvansyon Batis sa yo. E li te di, “Billy Graham,” te di, “fason l ap pote mesaj Batis la, t ap fè legliz Batis pran reta.” Li te di, “Li pa mennen yo ase lwen pou yo gen Sentespri a,” li te ajoute sa.

Oo, sè, rete drèt avèk sa. Se kòrèk. Li te di, Chinwa sa yo laba a, te di li pa t ap kite yo jis ale pou ap di, "Nou kwè Jezikri." Li te di, "Se te kòrèk," men I te di li te fè yo rete la jiskaske yon bagay te rive, e lè sa a yo te vin vrèman Kretyen.

11 M te di, "Se fason sa sa fonksyone, sè. Jis di yo, kite yo rete jiskaske yon bagay rive."

12 Sa k t ap rive si apot yo te di, bon, apre nèf jou, "Nou kwè ke nou genyen L, ou wè, annou jis aksepte L pa lafwa epi ann vanse ak travay nou"? Ou wè, sa pa t ap janm mache. Yo te ret tann la jiskaske yo te konnen ke yon bagay te rive. E se sa ki pwoblèm nou jodi a, nou pa ret tann ase lontan. Ebyen, apretou se rezon ki fè nou ka jis viv tout jan de vi, fè tout bagay, sa pa deranje nou, paske nou pa t rete la ase lontan. Jodi a nou anndan, demen nou deyò, epi fason *sa a* epi fason *sila*. Si nou rete ase lontan jiskaske w antre epi fèmen pòt la dèyè do w, w ap rete la lè sa a. Ou sele jouk jou redanmsyon an. Mwen sitèlman kontan pou sa.

13 E nou te gen yon bon moman, jan m te di a, nan Phoenix, epi nan tout vale a ak anpil Kretyen la, anpil ladan yo ap kenbe ak vi presye sa.

14 M te monte sou South Mountain lan, madanm mwen dèyè a la, avè m. Yon jou lè, zanmi yo, frè m nan, Doc, t ap gade de tifi yo, e—e Frè ak Sè Wood te gade ti gason an, mwenmenm ak madanm mwen te gen yon dezyèm lin de myèl. E manzè te di, "Bill, ou konnen, sila a te plis yon lin de myèl ke premye a." Li te di, "Premye fwa nou t al nan lin de myèl, sèl bagay m te fè se te chita nan yon kanpman pou ap tann ou antre sot lachas," li te di.

15 Mwen te itilize yon ti taktik, ou konnen. M te panse, "Ebyen, bon, m pa t gen anpil kòb." M te ekonomize nan yon bwat poud elevasyon, ase pou al nan yon

vwayaj lachas, e an menm tan m ta pral marye nan peryòd otòn sa. Kifè m te panse, "Jis melanje tout ansanm," ou konnen. Epi—epi pandan m t a pral nan yon vwayaj lachas, sa t ap lin de myèl la, ou konnen, kidonk nou te antann nou. Men fwa sa a nou te peye pou sa e nou te vrèman pwofite, epi, antouka, nou te gen yon bon moman.

16 Anpil ladan yo te soti nan tabènak la isit la. Mwen kwè Frè Sothmann, ak fanmi li dèyè la, ak Frè Tom Simpson e yo tout, ak Frè Maguire, e nou tout te gen de bon moman nan Seyè a.

17 Konsa nou t al sou South Mountain lan, ki jis kote sid Phoenix, e nou te monte al Iwen presyon sa. Ah! Yon presyon vil modèn! Se pa etonan lè moun yo te kòmanse ap miltiplier sou tè a, peche, ak vyolans te glise antre. E m te gade anwo la, pandan m te chita anwo nèt pou nou te ka wè vale Phoenix lan, m te di madanm mwen, "M ap mande konbyen fwa, depi nou te chita la pandan kenz minit sa yo, ke yo pa t pran Non Seyè a pou anyen nan vil sa?" Hmm?

18 Ebyen, apeprè, nan reyon metropolitèn lan, pranTempe ak—ak Sunnyslope, e toupatou la, m sipoze gen prèske yon milyon moun nan vale sa. M te di, "Twasanzan pase pa t gen anyen lòt ke kaktis ak kòyòt anndan la. E se posib, nan jye Seyè a, sa t ap mye si sa ta retounen konsa." Se vre. Menmsi gwo—gwo vil sa ke yo te bati la, ak bèl kay e latriye, yo bèl. Men sa t ap byen, sa t ap mye si gason ak fanm t ap monte desann nan lari yo ak men yo leve anlè, ap glorifye Bondye pou di L mèsi. Men, olye de sa, se ap fè sèman, ap fè tenten, ap bwè. Jis kite civilizasyon antre, e men mechanste la.

19 M te di, "Konbyen adiltè ki te komèt nwit pase a, yèswa nan vil sa a! Konbyen tafyatè! Konbyen fwaye...Konbyen—konbyen bagay an dezòd ki te fèt nan dènye è ki sot pase a, nan gwo vil sa a!"

20 E madanm mwen te di m, li te di lè sa a yon bagay kon sa, pandan m t ap panse, "Ki t ap itilite vin isit la alò? Poukisa w te kite lakay ou pou soti vin isit la?"

21 Alò m te reponn, "Men sa sa ye. Apre tou sa, ki se sètènman majorite a, men gen yon ti minorite anba la. Konbyen priyè fidèl ki te monte nan dènye nwit lan anba la, jis vin nan sèvis la?"

22 E Li te sitèlman bon pou nou ke legliz yo ta dwe ranpli a krake lè solèy ap kouche, pou w pa t ka antre nan espas toutotou plas la. Ak òganizasyon sa yo e latriye, epi Seyè a ki t ap devèse Lespri L pou beni yo. Mwen pa t janm fè rezèv, m te jis kontinye ap frape ak Levanjil la. Pafwa, natirèlman, sa vrèman difisil, men se sèl fason m konnen. Sa difisil bò isit la. Kifè sa pral vin pi difisil lè Tribunal Jijman an kote n ap gen pou fè fas a sa. Kidonk, pou nou tout ansanm, se te yon bagay gloriye. E nou vle remèsyé legliz isit la pou priyè li e poutèt li soutni nou, epi—epi poutèt li gade nou toupre lakwa.

23 Bon kounye a ann tounen lakay la, anndan la, e mwen te vle desann maten an petèt pou priye pou kèk nan malad yo. Mwen te gen anpil nan entèvyou k ap tann yo, dè ka ke kèk ladan yo mwen te wè nan dènye jou pase yo depi m te isit la, e ki t ap tann pandan yon mwa poutèt m te pati. Kifè y ap eseye fè yo antre osi vit ke yo kapab, pran yo soti diferant plas depandan de ki kote yo sitiye.

24 Si Seyè a vle, nan apeprè de semèn de plis, m pral Tucson, se anba nan pati ki pi ba a. E se la òm dafè yo chwazi fwa sa, kifè nou ka priye pou sa a...M pa

janm renmen fè anyen jiskaske dabò mwen kwè se volonte Seyè a. Kounye a, pwochen konvansyon an ap fèt anwo a nan Modesto e apresa apati de la se Washington, eta a, Washington, ak Zurich, answit se Palestine, e apresa Afrik di Sid. E tou sa ap fèt ant kounye a e Jen. Yo te envite m pou vin pale nan tout konvansyon sa yo. E sa ka ban m yon opòtinite pou antre nan Afrik di Sid ankò. Apèl pa yo, chak mwa nou resevwa envitasyon. Men si youn...

25 Gen yon gwo divizyon nan legliz yo, legliz Pannkotis yo. E si w pran pozisyon pou yon kote, lòt la p ap vle fè anyen avè w. E yo p ap kolabore ansanm, kifè m jis rete an aryè pou kounye a depi apeprè senkan avèk yon apèl nan kè m pou ale. E kounye a, petèt si òm dafè yo ap fè m antre, jis ase pou m ka tabli, sa se pou toude kote yo, ou wè, konsa sa pèmèt yo tout vini ak fyète. Yo tout dwe vini pou kolabore nan sa poutèt bezwen finansye—bezwen finansye pou legliz yo ki la, kidonk yo oblige vini pou sove lafas, ou wè. Konsa petèt se ka volonte Seyè a, sepandan, mwen pa konnen. Sa sonnen byen, men m pa konnen.

26 E apresa, ane sa a, Frè Borders ban m pakou, oswa, envitasyon yo. E, onètman, se te tankou yon liv de fwa pi epè ke sa ki te vini depi Nwèl pase a, envitasyon ki sot toupatou. Sa twòp pou panse imen t ap eseye rezoud, kidonk m pa t pran okenn ladan yo. Mwen jis pral fè yon reyinyon, epi rete tann pou wè ki kote Seyè a ap di m ale apati de la, lè sa a m va fè pwochen an, apresa lòt pwochen an, ak nenpòt kote Li di m ale. Kifè, priye pou mwen.

27 M sonje lane pase, anba a avèk Frè...oswa Sè Cox anba la a, lè Frè Arganbright te rele m pou al nan vwayaj sa nan Anchorage anwo a. Sa k t ap rive si m te jis ale pretann ke se te kòrèk?

28 Bon, m t ap panse a, *pretann*, m te preche sou sijè sa. Mwen te di lè m te soti al la, m te di tape boys/ti mesye anrejistreman yo, “Piga nou anrejistre anyen. Piga n al fè okenn anrejistreman, m pral preche sou menm sijè m te preche isit la.” Mwen kwè m te preche youn ke m te pote isit la, tout rès yo te nouvo. E Frè Maguire genyen yo, tout nèt.

29 *Pretann*. Kidonk si m te ale, ap *pretann* anwo a la, sa t ap diferan sèten de sa k te soti a, vizyon an pa t ap akonpli. Men vizyon an te akonpli, e nou tout okouran de sa, jan Seyè a te beni.

30 Bon, gen yon lòt bagay ki te sou kè m sa fè lontan. Legliz, priye pou sa. Nou tout moun yo konn sa depi m te yon ti gason mwen pa t janm satisfè nan rejyon peyi sa a. Tout kè m te toujou gen dezi pou Lwès. Mwen sonje lè m t ap koupe gazon pou bèlmè m la nan ti plas ki te...fè pati legliz la la, plas sa a. M te chita sou mach eskalye yo, e Sentespri a te pale avè m, Li te di, “M pa ka beni pi plis jiskaske w obeyi M konplètman, tankou Abraham.” Ou wè? E, Abraham, Bondye te di I pou I separe tèt li epi al pou kont li. E, lè I te fè sa, li te pran avè I papa I, neve I. E jiskaske Abraham te obeyi Bondye konplètman, alò te gen yon akonplisman total de sa Bondye te pwomèt li. E lyen, youn nan kòd prensipal ki te mare m isit la, se te manman m. Nou konn sa. E kounye a manman te pati al rankontre Seyè Jezi a. E mwen—mwen pa konn ki kote pou m fè, kisa pou m fè, kifè priye pou mwen.

31 Kounye a, Frè Neville, m ap soti sou lestrad la, m t ap panse, “Ebyen, m pral fè wout mwen la.” Yon moun te rankontre m pou di, “O la la, gen tout on pwogram pou sèvis aswè a.” Li te di, “Y ap gen predikasyon, sèvis chan, priyè,

apresa pran ofrann, te di apresa yo gen yon—gen lavman pye, kominyon, ak sèvis batèm.”

32 M te panse, “Podyab frè mwen! O lala! Lala, tou sa, mwen konn kisa sa ye, pwobableman apre predikasyon difisil maten an.” Bon, m t ap panse, “m ap glise monte la, petèt I ap vle pou m bay kominyon an.”

33 E li te di, “Èske w t a vle pale pou nou aswè a si w santi w kondui?” Konsa m konn kisa sa vle di. Kidonk apresa m te retounen e m te gen yon Ekriti la ak kèk nòt, petèt Seyè a ap ede m pote jis yon Mesaj tou kout de apeprè katrè, e apresa nou va gen lavman pye nou—nou, ak kominyon. E apresa, oh, mwen, petèt m va fini anvan. Non, m te jis ap plezante avèk nou. Apeprè ven, trant minit, e apresa n ap gen batèm lan, lavman...Kisa k vin apre sa a, kominyon? Kominyon swiv sa a, apresa se sèvis batèm lan.

34 Bon, nou kontan ke ou pral batize. Kounye a, si Bondye vle e ke sa fè L plezi, epi si se annòd avèk pastè a ak moun yo, Dimanch maten pwochen m ap desann pou priye pou malad, e pou m pale, si Seyè a vle, Dimanch k ap vini an, paske petèt m ka pati ankò Dimanch ki swiv lan. Kounye a lè m la, m renmen vini pou—pou pale isit la, paske nou on jan asosye ansanm antan ke frè, ak Frè Neville avè m la, e nou—nou renmen youn lòt, e nou—nou—nou vle rete pwòch pou ede youn lòt pandan...

35 Sa sonnen tankou yon sakrilèj, men m espere li pa sonnen konsa pou nou, Mesye Cory te di yon fwa, li...M te nan yon kanpay evanjelik ak lanp, pou ap vann anpoul limyè pou konpayi sa. E li te achte yon kantite enpòtan anpoul limyè ki ta ka dire kat a senkan, M te vire tounen pou achte yon machin Ford pou li. Li te di,

“Billy, mwen kwè nou jis ap grate do youn lòt.” Kidonk se sa, se byen, jis on jan ap ede nan tan bezwen. Kifè se—se kòrèk. Nou konn kijan pou n vin pote sekou youn pou lòt pou ede youn lòt.

36 Bon, annou ale nan pati serye a kounye a, e si m pa twonpe m, mwen kwè m ap gade Frè Beeler dèyè a la, yon lòt frè minis. E jodi a lè m t ap pase , Frè Junie Jackson te kanpe la nan lakou a ak Frè Creech. Èske yo konn patisipe nan sèvis isit la pafwa? Sèvis batèm, mwen wè. Dakò, nou ka founi dlo a si yo gen kandida a. Nou—nou gen dlo a, dakò.

37 Kidonk kounye a, poutèt nou pral gen kominyon, m te panse sa t ap bon si m ta pale sou kominyon jis pou kèk minit.

38 Bon, anvan nou abòde Pawòl la, annou mete de kote tout bagay kounye a, tout anfantiyaj ak fason timoun piti nou yo, epi—epi apwoche nan Pezans Bondye pa lapriyè. Ann priye. Kounye a ak tèt nou bese, e mwen fè konfyans ak kè nou tou, si gen yon rekèt la ki ta...ke w ta renmen fè Bondye konnen, epi w ta renmen m sonje w devan Bondye, èske w vle jis fè konnen sa ak men w leve bay Bondye. Ke Bondye akòde rekèt chak moun.

39 Bondye toupwisan, Papa Seyè Jezikri nou an, Ki te resisite soti nan lanmò pou mete L adwat Majeste a, ap viv a jamè pou fè entèsesyon pou bagay ke nou kwè Li te fè pou nou yo, ap konfese ke se sa. Nou priye, Bondye Seyè, ke aswè a, W ap padonnen peche nou yo. Oo, nou vle rete anba San an tout tan, paske nou jis pa konnen kisa ki ka rive. Tout bagay sou pwen fini, nou santi I, Seyè, ke vini Seyè a trè pwòch. E nou sou pwen fè yon vwayaj. E pandan n ap panse a vwayaj, nou ka panse a malèt, ak—ak rad ak soulye an plis. Men ala sa diferan de

vwayaj sa a! Se pa pou n ap ranmase; se pou n ap debarase, mete de kote. Tankou gran sèvitè W, Pòl, te di nan Liv Ebre a, chapit 12, "Nou mete de kote tout pwa lou ak enkredilite ki anvayi nou si fasilman, pou nou ka kouri ak pasyans nan kous la ki devan nou."

40 Kounye a nou pa ka pwofetize bon bagay pou mond modèn sa a. Sèl bagay ke nou ka pwofetize pa Sentespri a se dezas, pwoblèm, tranbleman tè, gwo vag byen wo, chit solèy ak lalin lan, legliz nan laj Lawodise a, Kris deyò papòt la, ap frape pou antre. O Bondye! Jis tankou Miche nan ansyen tan, kijan I te ka fè beni Akab alòske pwofesi a te kont li? Alòske gran pwofèt pwisan sa, Eli, te mache sou li, e poutèt li te pran lavi nonm inosan sa, Nabòt, konsa li te di, "Chyen yo va niche san w." Alò kijan Miche te ka fè pwofetize bon bagay?

41 Kijan timoun jodi yo ki ranpli ak Lespri ka fè pwofetize di byen pou yon pèp endiferan, ranpli ak peche ki te mete Seyè a deyò? O Bondye, nou sèlman wè amètim jijman pi devan. Pou ap kriye a sa yo ki pa kòrèk, "Kouri al jwenn Seyè a, paske Li se Wòch nan moman touman! Li se Kachèt nan moman tanpèt. E Non Seyè a se yon Fòtrès Pwisan, e moun ki jis la kouri antre Ladann pou sekirite." Ala nou ka panse a gwo vil konstwi sa yo, vil refij, kote moun y ap pouswiv la...apre nonm lan te fin antre nan fòtrès sa—sa, li te an sekirite, anyen pa t ka touche I. O Bondye, kite nou kouri epi depeche nou al jwenn Seyè a, paske Li se Refij nou ak Fòs nou, e yon èd reyèl nan tan difisil. Kidonk, poutèt n ap gade ak jye èg la, jan sa te ye a, pwoblèm ap anpile, nyaj yo ap dewoule, loray ak zèklè jijman ap desann sou tè a, nou konnen ke tanpèt la prèske rive.

42 Aswè a, Seyè, nou priye pou sila yo la ki leve men yo. M pa konn kisa yo vle, Papa, Oumenm Ou konnen. M priye ke W va reponn a tout bagay pou nanm presye pa yo, pou sans kisa sa vle di dèyè men sa ki te leve a. Akòde I, Seyè. Geri malad yo. Konsole sa ki fatige a. Bay lajwa a sa ki oprese a. Bay lapè a sa ki boulvèse a, manje a sa ki grangou, dlo a sa ki swaf, lajwa a sa ki tris, pwisans a legliz la. Seyè, mennen Jezi nan mitan nou aswè a, pandan nou sou pwen pran kominyon an ki reprezante kò brize Li a. Nou priye, Seyè, ke Li va vizite nou nan yon fason ekstraòdinè.

43 Beni ti kongregasyon sa a, pastè byeneme li, Frè Neville nou an ak fanmi li, ak dyak, administratè yo, epi tout moun ki prezan. Beni lòt yo, Seyè, toupatou nan mond lan, k ap tann avèk jwa vini Seyè a, lanp yo prepare, ak mèch yo byen netwaye, epi Limyè Levanjil la k ap klere nan plas sonb yo.

44 Kounye a, ede m, Seyè, ak kèk Pawòl sa yo. Beni L pandan n ap li L, e bannou kontèks la, paske nou mande sa lan Non Jezi. Amèn.

45 Bon nou ka ale nan Liv la, chapit 6 Sen Jan, e sa t ap bon si nou chak li tout chapit sa a lè n al lakay nou. M ta renmen li, ap kòmanse ak vèsè 47 la, desann nan vèsè 59, enkli, jis yon fason pou konstwi yon tèks sou sijè: *Kominyon an*

Se Jezi k ap pale la, nan fèt la. Se te yon gran moman, ke fèt sa yo te ye. Yo te bwè dlo ki te soti nan woche a, pou reprezante Woche ki te nan dezè a. E yo te manje, an selebrasyon, pou lamàn ki te tonbe plizyè santèn dane. Se te jis fèt pak, tankou nou genyen aswè a.

47 Sa m'ap di nou la a, se vre wi: moun ki mete konfyans yo nan Bondye, se yo ki gen lavi ki p'ap janm fini an.

48 **Se mwen menm pen ki bay lavi a.**

49 **Zansèt nou yo te manje laman nan dezè a, atousa yo mouri.**

50 **Men, moun ki manje pen ki desann sot nan syèl la, yo p'ap janm mouri.**

51 **Se mwen menm pen ki bay lavi a, pen ki desann sot nan syèl la. Si yon moun manje nan pen sa a, l'ap viv pou tout tan. Pen mwen gen pou m' bay la, se kò mwen. M'ap bay li pou tout moun ki sou latè ka jwenn lavi.**

52 **Pawòl sa yo fè jwif yo tonbe diskite yonn ak lòt. Yo t'ap mande: Kouman nonm sa a kapab ban nou kò l' pou n' manje?**

53 **Jezi di yo: Sa m'ap di nou la a, se vre wi: si nou pa manje kò Moun Bondye voye nan lachè a, si nou pa bwè san li, nou p'ap gen lavi nan nou.**

54 **Moun ki manje kò mwen, ki bwè san mwen, li gen lavi ki p'ap janm fini an. Mwen gen pou m' fè l' leve soti vivan nan lanmò nan dènye jou a.**

55 **Paske kò m', se yon manje tout bon, san mwen, se yon bwason tout bon.**

56 **Moun ki manje kò m', ki bwè san m', y'ap fè yonn avè m', epi m'ap fè yonn avè yo tou.**

57 **Papa ki voye m' lan, li vivan. Se li menm ki ban m' lavi. Konsa tou, moun ki manje m', m'a ba yo lavi.**

58 **Men pen ki desann sot nan syèl la. Li pa tankou pen zansèt nou yo te manje a, paske pen yo a pa t' anpeche yo mouri. Moun ki manje pen sa a ap viv pou tout tan.**

59 **Jezi te di pawòl sa yo antan l' te nan sinagòg Kapènawòm lan ap moutre moun yo anpil bagay.**

46 Ke Seyè a beni Pawòl Li. Jis pou kèk minit, mwen vle pale, sou: *Kominyon*.

Kisa mo *kominyon* an vle di? *Kominye* vle di “pale.” Pou genyen, pou...*Kominyon* vle di vrèman “Gen fratènite, pale youn ak lòt.” Si w ap pale nan telefòn ak yon moun, ou angaje yon konvèzasyon la, n ap kominyen youn ak lòt. E si nou ta dwe al sou kote pou kanpe dèyè a nan lakou a, nenpòt endividé a ak pastè a, oswa nenpòt de lòt moun, y ap kominyen youn ak lòt.

47 Bon, nou pa kominyen pa radyo, paske ou pa ka reponn, oswa pa televizyon. Men lè...Ou kapab pa telefòn, paske n ap kominyen youn ak lòt, se pa jis yon sèl bò. Se...M pa ka kominyen avè w kounye a, paske ou pap reponn. Konsa, kidonk, se pa t ap vini pou tandem yon minis ap bay mesaj li a. Se pa t ap, vini ansanm, pou ap kominyen. Kominyon pa t ap ke...Si w vini jis pou kominyen ak minis lan, w ap rele I sou kote, oswa nenpòt endividé a, e w ap kominyen avèk misye ou manzè.

48 Men pou sa nou vini, kominyon an, se pou nou chak antan ke endividé kominye ak Kris. Sa se kominyon. Alò, kominyen se pa an jeneral *youn* k ap pale, noumenm k ap fè tout konvèzasyon an, men se ap tann pou wè sa L ap reponn nou.

49 Bon, men kote, anpil fwa, nou fè gwo erè nou yo, se, lè nou pran tout konvèzasyon an epi nou pa tann epi ba L yon chans pou reponn. Pafwa nou pati, ap di, “Seyè, m ta vle pou W ta fè tèl-tèl ak tèl-tèl bagay, amèn.” epi leve al fè wout nou. Kounye a, sa se pa vrèman kominyon. Sa se al mande yon favè. Men lè w rete ase lontan jiskaske Li reponn, se lè sa w ap kominyen, kominyen avèk

Seyè a. Bon, yon fason ekstraòdinè pou kominyen, se pou nou dakò, nou dwe dakò sou kèk bagay. Kounye a, se etranj ke pafwa lè nou gen bagay sa yo...

50 Manje asosye ak sa. Bon, pran òm dafè yo, lè yo vle fè yon tranzaksyon, y ap envite yon moun soti al dine. Apre yo chita manje, e apresa yo pale youn ak lòt. Yon bon vandè, dabitud li pa ka pale ak yon moun ki gen lestomak li vid. Se preferab pou w tann jiskaske I santi I byen, e alò se apre li fin pran dejene I. Piga w rive la pou reveye I sot nan kabann epi ap di I konsènan yon bagay ou detèmine pou vann li, men tann jiskaske I pran dejene I epi—epi li vin anfòm an kondisyon.

51 Lòt jou, pandan m t ap preche sou fanm ki te lave pye Jezi a, anwo nan Canada m t ap pale de sa, pou ap di ke lè yon envite vin vizite yon lòt moun, moun sa a te gen sèten mannyè ke vizitè yo dwe respekte anvan yo te vin vrèman kalifye pou vin vizite, oswa, kominye. Yon vizit se yon kominyon. Bon, yo ta ka vini pou...Envite, dabò yo dwe envite w. Apresa ou t ap prezante w nan pòt la e domestik la t ap lave pye w, pou rezon vwayaj, ou te gen movèz odè bét—bèt yo e latriye sou tout wout la. Yo tout...moun yo te konn vwayaje sou menm wout lan avèk bét, e—e lè sa te gen odè ak pousyè, e rad Palestinyen an te konn ranmase I epi melanje I ak swe pye yo, ak figi a kote ki pa t kouvri an, ak—ak men yo. Epi—epi yo te konn ap tann yo nan papòt la, domestik la, pou I ta ka lave pye yo. E apresa yon lòt moun te kanpe la avèk yon sèvyèt e yon—yon pafen albat, pou ap flite pafen albat sa a sou men yo, e yo te konn fwote I *konsa*, epi—epi fwote I sou figi yo, apresa pran yon sèvyèt pou siye yo. Sa te konn retire tout pousyè ak mozè odè. E sa te gen yon bagay ladann ki rafrechi, tankou mant, e sa te fè yo santi yo pi byen.

52 Bon, Bondye gen de tèl bagay. Anvan nou vrèman prè pou kominyon Bondye a, yo dwe dabò lave nou avèk dlo Pawòl la. Separasyon, dlo separasyon ki separe nou de peche nou yo. Kounye a, an premye, ou pa ka pale ak Bondye e ou pa ka kominye ak Bondye, epi gen...Dabò, ou dwe repanti pou sa w te fè, paske ou pa ka kwè kòrèkteman jiskaske w repanti. "Seyè, padonnen enkredilite mwen." Ou wè? "Padonnen enkredilite mwen." Ou dwe repanti, an premye. Epi, lè w repanti w, lè sa ou...peche tan pase w yo padonnen, alò ou vin yon kandida lè sa pou batèm lan. Bon, lè sa Li te pwomèt Sentespri a, apre batèm lan.

54 Kounye a, bagay la se, ke, nan kominyon sa a, nou jwenn te gen yon—yon lavman pye ak bagay ki asosye avèk sa, tou, pou lave pye nou, antan ke senbòl netwayaj Sentespri a.

55 Bon, lè sa, dwe gen yon santiman toude kote. Si w rive nan limit avèk—avèk envite w la, alò ou—ou pa ka kominye. Non, ou—ou pa ka fè l, paske ou an dezakò avè l. Men si w an akò avè l, alò ou ka kominye. Kifè sa se fason sa ye lè nou vin sou tab Seyè a, nou dwe an akò avèk Pawòl Li. Ou wè? Nou dwe ne de nouvo, Lespri Bondye lan nou ap di "amèn" a chak Pawòl ke L te ekri, lè sa nou ka kominye avè L.

56 Men sa nou resevwa de Bondye, si kè nou pa kondane nou, alò nou favorab a Bondye. Nou konnen ke n ap jwenn demann ak rekèt nou yo, poutèt kè nou pa kondane nou. Kounye a, si Bondye di nou ke nou dwe ne de nouvo, epi nou pa t resevwa nouvèl nesans lan, alò n ap santi nou on tijan dwòl pou ale, ap mande L kwakseswa, ou wè, paske nou konnen nou pa t rankontre egzijans Li yo. Alò sèl

bagay la se lapriyè yon pechè. Men nou pale avè L lè nou an fratènité avè L, sa mennen kominyon.

57 Bon, se sa kominyon vle di, m ta renmen eksplike on tijan plis. Kounye a, nou pran, sa nou rele *kominyon* an, ki se pen ak diven. Bon, sa te sitèlman mal reprezante jiskaske sa pa menm bon pou ap pale de li. Oo, ala sa te mal reprezante atravè lè zane! Sa a se pa vrèman kominyon, sa a se jis kenbe yon kòmandman. Ou wè? Bon, rezon ki fè nou rele I kominyon, se paske sa vin de asosyasyon Katolik te fè avèk “Sent Ekaristi, ki se kò Seyè Jezi a tout bon.” Men se pa kò Seyè Jezi a! Se sèlman an souvni de kò Li.

58 M pa fè ka de kantite prêt ou predikatè, oswa kikseswa ki beni sa, se toujou pen ak diven. Pa gen okenn prêt pandan ke nou...yo fè nou konnen, ke, “Bondye oblige tandé prêt la lè I chanje kominyon an,” sa yo rele kominyon, “Ekaristi an, pou vin kò Seyè Jezi a tout bon. Lè sa kwayan an pran sa, e se sa ki kominyon an.” Se fo!

59 *Kominye* se “pale avèk, kominye avèk, yon bagay ke w ka pale avè I e ki ap reponn ou.” Sa se kominyon. Yon losti pa ka reponn. Kifè, vrèman, vrè kominyon an se Sentespri a k ap reponn. Lè w mande L, alò Li reponn, sa se kominyon kòrèk la. Sa a se yon souvni, pou pran...de krisifiksyon ak rezirèksyon Li, pa yon kominyon. Nou rele I konsa, men se pa sa. Sa vin de legliz Katolik, pou ap pran losti sa jan nou te etidye I lòt jou a, pou ap pale de sa sou *Paganis Kont Krisyanis*.

60 “Kouman ti losti won sa a se kò Kris la tout bon.” Bon, legliz Katolik kwè sa. Èske w te janm remake, lè w ap pase devan yon legliz, yo fè siy de lakwa, yo leve chapo yo, ak bagay konsa? Se pa pou legliz la, se losti sa anndan la, “kò sa ke

prèt la te chanje de yon losti a kò Kris la tout bon,” kote rat ak sourit ka mennen I byen Iwen. Enben, ou pa ka, pa ka panse antan ke sitwayen epi panse ke yon moso pen t ap vin kò Seyè Jezi a. Sa pa ka fèt.

61 *Kominyon* se “pale, ak reponn, on bagay w ap pale avè l.” Mo *kominye* a menm vle di “pale avèk,” oswa “asosye avèk yon bagay k ap reponn ou.” E Bondye pale pou reponn ou, se kominyon. E se toujou pen ak diven, sa nou rele *kominyon* an.

62 Bon, Jezi te di la, pandan m ap li, “Kò Mwen se vyann epi, San Mwen” yon brevaj, kò a ak San an se vyann ak brevaj.”

63 Bon, nou renmen panse a Jezi pou asosye l, a sa L te ye. Kisa kò L ye? Kisa ki kò Kris la? Se tout ansanm kwayan yo ki asosye avè L nan Sentespri a. Pa yon idòl, pa yon moso pen, men yon Espri ki nan kè kwayan an, e yo asosye ansanm, sa se lè lòm ak Bondye ka pale youn ak lòt, pitit gason ak pitit fi Bondye. Lòm mòtèl atravè San vèse a te pote remisyon peche, e nonm ak fanm sa a, ti gason ak ti fi sa, ki gen fratènite avèk Kris, ap kominye avè L, se kò a.

64 Tankou yon mari ak madanm ta ka chita ap pale, oswa yon ti gason ak mennaj li, Kris ak Legliz Li ap kominye ansanm. Se poutèt rezon sa nou ka tande sa k vin de Li, pou wè lavni anvan sa rive isit la, pou n ka pale de fiti a ki pafè, paske n ap kominye ak yon Bondye ki kenbe Letènité nan men L. Ap kominye youn ak lòt , Kò Kris la, Kò espirityèl Kris la, Kò mistik la. Pa asosye ak okenn jan de idòl, oswa pen oswa—oswa diven, men nan yon—yon fòm espirityèl.

65 Kounye a, Jezi te di menm bagay la. Pran Sen Jan, chapit 4, Li t ap pale a fanm sa bò kot pwi a, manzè t ap pale sou yon bagay tankou, “Zansèt nou yo te

bwè nan fontèn sa a, e yo te fouye pwi sa a, Jakòb, pou—pou l te bay pitit li yo ak betay li nan dlo sa a, epi Oumenm Ou di, ‘Adore nan yon *sètènn* vil,’ epi lòt yo di, ‘Sou montay sa a.’”

66 Jezi te jis—te jis di, “Tann yon minit! Nou se Jwif, e nou konprann kisa sa ye, sa adore vle di. Men koute sa a, fanm. Lè a ap rive, e se kounye a menm, ke vrè adoratè yo ap adore Bondye an Espri e an Verite. ‘Pawòl Ou se Verite.’ E Papa ap chache espès sa k ap adore L an Espri e nan Pawòl la, Verite a. ‘Pawòl Ou se Verite.’” Bon, Li te di fanm lan sa.

67 Ou wè, Kris...Bondye se yon Espri. *Kris* vle di “sila ki wenn lan, yon nomm ki wenn ak Bondye,” sa ki rann Li Kris la. Kounye a, Kris te di, “Mwen se Nouriti ak Brevaj.” Pa yon losti, pa yon losti ke nou pran la. Sa se pa Kris. Diven nou bwè sou lotèl la, se pa Kris. Sa reprezante L, nan yon sans figire. Men Kris se Sentespri a, onksyon ki sou Legliz la, ki se Vyann ak Brevaj.

68 Pi gwo kri ki genyen nan tout mond lan, m espere ke ankenn lan nou pa t janm tande l, men, si w te janm tande l, pa gen okenn kri ki egal a kri grangou. Lè w ap gade yon manman ak bebe l, e li pa ka mache li tèlman fèb, e ti bebe a ap mouri, ak vant li anfle ak grangou, ap tande kri sa yo k ap vin de kè manman sa, pou ap gade bebe sa ak machwè l yo anfonse jiskaske se zo ak po, ak ti jansiv li klere, san l pa ka fè yon bwi, apèn, ti jye l yo soti. Pa gen ankenn kri tankou grangou ak swaf.

69 deyò nan dezè yo, konbyen moun ki te pèdi vi yo poutèt swaf! Anpil istwa, ke m te ka kenbe w tout lannwit, ak vrè istwa nan dezè. Jan ke lè w gen...vin swaf, jan dyab la ba w yon—yon miraj. Ou wè yo la, ou pa bezwen al nan Lwès pou wè

yo. Desann nan lari a, e sa sanble tankou gen dlo anba nan lari a. Nou chak te déjà wè sa, oumenm k ap kondui sou otowout la. Sa se yon fo miraj. Isit la sa fè kèk tan, apeprè twa oswa katran, m te li kote kèk kana, ki t ap vole atravè peyi a, te wè yon miraj e yo te eche sou wout la, pansan ke yo te atenn dlo a. Yo te jis dezintegre, kan yo te frape wout di sa, pansan ke yo t ap ateri nan dlo, yon miraj.

70 Konbyen de fwa dyab la pa t fè moun yo menm bagay sa, ap ba yo yon fo miraj, kote, pa gen anyen la, sinon jis yon swadizan kwayans. Sitèlman moun jodi a gen yon swadizan reliyion, ap eseye fabrike yon bagay oswa pretann ke gen yon bagay alòske se pa sa! Tankou ti dam misyonè a te di li te ret tann jiskaske li te pozitif. Li ta preferab ke nou fè sa. Ou pa ka retounen pou eseye I a novo. Ou gen yon sèl chans, e ou gen Plan an, kidonk li ta preferab pou nou vize dwat.

71 Kri grangou, koute, se yon gwo kri paske se yon kri detrès. Moun lan ap mouri. E, oh, si nou te ka rive kote sa, si nasyon sa a te ka rive nan yon pwen kote li sitèlman grangou pou Bondye! L ap mouri grangou pi mal pase nasyon tankou Peyi End k ap mouri grangou fizikman, nasyon sa ap mouri grangou espirityèlman. Men apre w te grangou pandan si lontan, sa rive nan yon pwen kote ou pa konsyan ke w grangou.

72 Jis tankou w konjle nan glas. Apre w te rann ou sitèlman lwen, ap konjle, ou sitèlman frèt, ke apre yon tan ou vin cho. E lè sa rive, se mouri w ap mouri! E se sa pwoblèm lan aswè a. Legliz yo vin sitèlman frèt jiskaske yo konjle, e yo panse ke yo cho, ak fè manb, epi ap mouri espirityèlman. Ap mouri! Yo pa konn sa. Finalman, li lonje pou dòmi, e se fini. Li pap janm leve ankò, paske san li te konjle nan venn li yo.

73 Kounye a, swaf. Jezi te di, "San M se vrèman yon brevaj." Si w grangou pou Lavi, grangou pou Lavi, Jezi gen sèl dlo ki ka satisfè swaf sa. "Vin jwenn Mwen, tou sa yo ki chaje ak fado." Nan Apokalips, sa di, "Ke sila ki swaf la vin nan fontèn dlo Lavi a pou bwè gratis." Si w swaf pou Lavi!

74 Nou wè ke astwonòm yo ap predi, kèkpa byen bonè nan premye pati mwa sa, nan kòmansman le 2 oswa le 5, oubyen yon kote nan mwa sa a, astwonòm Endou yo predi ke mond lan ap eklate pyès pa pyès. E jounal Ameriken yo te moke yo de sa. Mwen pa kwè ke mond lan pral eklate pyès pa pyès, men mwen di ke se mal pou ap moke sa. Paske, gen yon bagay ki sou pwen rive youn nan jou sa yo, yon bagay ki sanble a sa, kan senk planèt sa yo, Mas, Jipitè, ak Venis, e—e latriye, vin nan yo—yo... Yo pa t janm fè sa. Oo, yo pretann ke wi petèt demil senksanzan pase, men kimoun ki te laba pou konn sa?

75 Mwen predi ke sa gen yon aplikasyon espirityèl. Mwen kwè ke se kòmansman ouvèti Bondye, ke gwo revelasyon Pawòl la pral louvri diran moman sa a. Sonje, yo pretann ke se te twa etwal ki te antre nan òbit yo lè Jezi te ne. E sa se senk, e senk se lagras, chif gras la. Twa se chif pèfeksyon an. Senk se chif lagras, J-e-s-u-s, g-r-a-c-e, l-a-f-w-a, e latriye. Chif gras la! Si jamè Bondye ap voye pwisans Li pou legliz la, se ap gras Li, se pap obeyisans moun yo. E ezayi te di, nan chapit 40, kijan pou "pouse kri pou Jerizalèm, pou ke gè I la sispann," poutan li te koupab ak idolatri, men se te gras Bondye ki te voye I. Si Bondye gen pou voye kwakseswa pou nou, se va gras Li non pa merit nou. Kifè, sa ka vle di yon bagay. Mwen predi ke se va yon chanjman. Mwen pa konn kisa sa va ye, men m kwè li sou pwen rive. Nou nan...drèt nan limit li la.

76 E si yon nonm grangou, ke l vin a Kris. Si yon nonm swaf, ke l vin a Kris. L ap satisfè swaf la. Li se Sila ki satisfè tout swaf ak grangou nou.

77 Mwen gen yon istwa ke yo te rakonte m sa fè kèk tan. Petèt m te rakonte l nan legliz sa. Si se sa, padonnen m poutèt m ap repete l jis pou mete aksan. Te gen yon gid Endyen, oswa on jan de siveyan Endyen. Li t ap vwayaje nan peyi Navajo yo, e li te, te pèdi. Non li se te Coy. Li t ap desann nan yon ti santye, yon ti santye pou bêt, li te panse, "Bon, si m jwenn santye sa, se sèten m ap jwenn dlo." E cheval li a te sitèlman swaf jiskaske lang li t ap pandye soti, sèk, twou nen l yo te vin tou wouj ak kwout sab. Li te gade mouchwa l sou figil lè gen tanpèt sab jiskaske sa te vin kole, li t ap peri, pou dlo. E li t ap gide cheval li lè l te tonbe sou santye a. Li te di, kan l te monte sou cheval la li te wè santye pou bêt sa, li te di, "Sèten sa ap mennen nan dlo." Kifè li te sote ap galope sou cheval li pou ap desann sou santye a.

78 Cheval la tou te konnen l te sou santye k ap men nan dlo a. Ala bay Bondye te bay bêt estipid ensten! E men li ki t ap desann sou santye a. Finalman, kèk devire sou yon kote, jis on tijan andeyò santye bati a. Cheval la te vle tounen nan chemen sa a, men Coy te panse diferan. Li te eseye gade l nan santye prensipal ki limite a, e li te kòmanse ap desann men cheval la pa t vle ale. Li te ba l zepon, men li te chankre pou kòmanse lòt kote a. E l te kòmanse ap remonte fè bak. Li te twò fèb pou ranvèse misye atè.

79 Kifè li te rekòmanse ap ba l zepon, jiskaske l te blese cheval la, sitèlman eksite pou jwenn dlo, vi li ta ka sove, jiskaske cheval la te ret kanpe, ap tranble, ap senyen. E li te gade anba a, te gade anba la, e li t ap tranble *konsa* e li te prèske

sikonbe anba misye. Li te gade l, e li te wè san an bò kòt li. Li te yon Kretyen. Li te di cheval li a, li te di, "Mwen te souvan tandem pale de ensten sovaj sa...oswa, bèt ki te gen yon ensten. Sa pa sanble sa ke bann ti bèt piti sa yo te vire tounen nan chemen sa pou yo t al nan dlo a. Sanble ke se gran sante yé isit la k ap mennen kote yo toujou ale pou jwenn dlo, men," li te di, "si w te pote m ak fidelite jiska preznan, m ap swiv ensten ou."

80 Oo, ala mwen panse sa apwopo de Kris! Chemen destrikson an endike epi alèz nèt ale, men gen yon wout etwat k ap kondui nan Lavi. Yon ti ponyen se sa ki va jwenn Li. Sèlman, se pa ensten, men se Sentespri a ki va fè w al sou kote pou jwenn dlo Lavi sa. M panse, Li te mennen m an sekirite jiska preznan, m ap pran L pou rès chemen an.

81 Pou fini istwa a, li—li pa t menm fè yon demi mil, ke, bripsoukou, cheval fidèl sa te plonje drèt nan yon gwo twou dlo. Cheval la te konn de kisa l t ap pale, kisa sa te vle di nan fason pa l pou eksprime l bay—bay kavalye a. Li te rive la. Li te di ke l te voye dlo anlè nan twou nen cheval la. Li te rafrechi pwòp tèt li, li t ap rele e li t ap fè bwi, e li t ap pouse kri ak tout vwa l, pou ap vide dlo nan gòj li, ap rele fò. "Nou sove! Nou sove! Nou sove!" E cheval la, t ap bwè, epi ap tranble. Li te gade bò kòt ak san li a, alò tout bagay t ap ede pou sikatrise mak zepon yo.

82 E li te di jis lè sa, li te di...te tandem yon moun ki di, "Sot nan dlo a." Li te gade, e men yon ti kòbòy defigire ki kanpe la. Li te soti nan dlo a. Li di ke l te pran sant dife, e li te gade pi lwen, e men yon bann mesye ki t ap fè kanping la. Yo te la pou ap fouye chache lò. Yo te dekouvri lò, e sou wout yo ap retounen yo te gen

cheval yo ak lòt cheval byen chaje, e yo te vin nan twou dlo sa a epi yo t ap pran repo, e yo tout te sou.

83 Li te di ke yo t ap kwit vyann lachas, li te manje avèk yo. Li di, youn ladan yo te di, "Pran yon gòje." Li te di yo kimoun li ye, se te Jack Coy, Endyen gid la—la. Kifè misye te redi, "Ebyen, kounye a, pran yon gòje."

Li te reponn, "Non," li te di, "Mwen pa bwè."

84 E sa se on jan de manke dega pou moun sa yo. Kifè li te di I, "W ap pran yon gòje pou nou!"

Li te di, "Non, mwen pa bwè."

85 Kidonk li te voye bidon an anlè epi I te ensiste, "Pran yon gòje!" Yo tout nèt, yo te sou, ou konnen, yo te apeprè sis.

86 Li te di, "Si vyann lan te ase bon pou manje, wiski nou an ase bon pou bwè."

87 E nou konn kijan yo ye, moun ki sou. Li te reponn, "Non," li te di.

88 Yo te chaje fizi a, pou di, "Kounye a w ap bwè osinon!"

89 Li te reponn, "Non. Non, mwen pap bwè." E misye te kòmanse ap pwente fizi a. Li te di, "Jis tann yon moman." Li te di, "Mwen pa pè mouri." Li te di, "mwen—mwen pa pè mouri." Li te di, "Men m—m vle rakonte nou istwa mwen anvan, rezon kifè m pa bwè." Li te di, "Mwen se moun Kentucky." Li te di, "E yon maten nan yon ti kay an bwa won, kote yon manman te lonje ap mouri, li te rele m bò kot kabann li, pou di, 'Jack, papa w te mouri ak yon pakè jwèt kat nan men I, lòtbò tab la, tou sou.' E I te di, 'Piga w janm bwè, Jack, pe enpòt sa w ap fè.'" Epi li te di, "m te met men m sou fwon manman m. E m te pwomèt Bondye, antan ke yon ti gason dizan,

ke m pap janm pran premye gòje mwen.” Li di, “M pa t janm pran I.” E li te ajoute, “Kounye a si w vle tire, jis tire.”

90 E pandan tafyatè a te leve fizi I epi lanse bidon an anlè ankò, li di, “Pran I osinon m ap tire!” E jis lè sa yon kou te pati e bidon an te eklate.

91 Men yon vyep ti kòbòy, defigire, ki te kanpe a kote kanyonn lan, ak dlo ki t ap kouri desann sou machwè I yo. Li te di, “Jack, mwenmenm tou mwen soti Kentucky. Yon jou mwen te fè yon pwomès a yon manman, men m te brize pwomès mwen.” Li di, “M t ap tann jouk mesye sa yo vin ase sou, e m ta pral touye tout gwoup la nèt, de tout fason, pou pran lò yo.” Li di, “Men m te vin sou e m te gen tò. Men,” li te di, “Mwen sèten lè fizi m lan te fè eko sa monte atravè kanyonn Syèl la, manman te tandem yon siy angajman ke m pap janm fè sa ankò.” Epi la, ak gras Bondye, li te kondui tout moun sa yo a Kris, tout sila yo laba a.

92 Ou wè, gen yon bagay konsènan dlo, gen yon bagay konsènan rafrechisman. Sa m te vle di a se te, al nan dlo a lè w swaf. Gen yon bagay li fè pou ou, se pou al nan dlo a lè w swaf.

93 Bon, Li te di, “M ap kite lapè M nan bannou. M ap bannou lapè pa M nan.” Pa jan mond lan ba w lapè a, men fason Limenm ba w lapè a. Lapè Li satisfè swaf nou. Si nou swaf anpil pou lapè, alò annou rafrechi nou nan lapè Li, pou konnen ke nou an pè ak Bondye atravè Seyè nou Jezikri. Li se Sila ki bannou lapè ki satisfè swaf nou.

94 Vèsè ki di Li se Vyann ak Brevaj tout bon. Mwen gen yon ti siy la, vèsè 57 la, “Vyann ak Brevaj tout bon.” Koute sa L di la.

57 Papa ki voye m' lan, li vivan. Se li menm ki ban m' lavi. Konsa tou, moun ki manje m', m'a ba yo lavi.

95 Nan lòt mo, "Papa a te voye M, e M ap viv pa Limenm. E chak moun ki vin a Kris dwe viv pa Kris." O, la la, men ou, sa a se kominyon an. Sa a se vrè kominyon an ke w jwenn lè w ap viv pa Kris.

96 Kounye a, kò nou bezwen manje ak brevaj chak jou, pou reziste, kò fizik nou. Si nou pa manje epi bwè chak jou, alò kò nou afebli. Gen yon bagay lan nou ki oblige nou manje. Manje yon jou pa sifi pou jou apre a. Ou dwe manje chak jou, pou fòtifye èt mòtèl ou. Ou ka kontinye ap viv, men ou pi fèf. Dezyèm jou a, ou ankò pi fèb. E twazyèm jou a, ou vin vrèman fèb.

97 Ebyen, se sa anpil fwa nou fè nan domèn espirityèl la. Ou wè, chak jou nou dwe kominye avèk Kris. Nou dwe pale avè L chak jou. Nou dwe regle sa avè L chak jou. Pòl di, "M mouri chak jou." Ou wè? "Chak jou, m mouri; poutan m ap viv, pa mwen men Kris k ap viv nan mwen." Kidonk, si kò fizik ou bezwen manje ak brevaj chak jou, pou reziste, kò espirityèl ou bezwen Nouriti ak kominyon avèk Seyè a chak jou, pou l reziste. Wi. Jezi di, "Lòm pap viv ak pen sèlman, men ak chak Pawòl ki soti nan bouch Bondye." Kifè, chak jou nou dwe etidye Bib la. Gen moun ki pa etidye L ditou. Genyen ki pran L chak de ou twa fwa pa ane. Men, yon vrè, de vrè kwayan ki vrèman bati espirityèlman, li li Bib li chak jou, pou pale ak Seyè a. Se sa. [Espas vid sou kasèt la—Editè a] Li oblige. "Lòm pap viv ak pen sèlman, men ak chak Pawòl ki soti nan bouch Bondye."

98 Kounye a, yon lòt rezon ki fè nou manje, se pou bati kò nou pou reziste a maladi. Si w pa manje, pou kite kò w vin fèb, alò li pi fasil pou l pran maladi. Maladi

ap rantre drèt nan sikilasyon san an, e la w ale. Si san w pa rich ak pi, ebyen, alò I ap, maladi ap antre drèt nan sikilasyon san w. Kifè ou dwe manje bon nouriti rich pou kenbe sikilasyon san w kòrèk. Si w pa fè sa, w ap gen alèji pou vin malad. Se pwoblèm lan sa avèk anpil Kretyen.

99 Tankou plant ki nan yon sè/abri chofe. Ou konnen, si w pran yon plant soti nan yon sè/abri chofe, ou oblige dòlote I. Li pa konn afè tanperati. Li pa konn sa yo rele bèl solèy ak bagay konsa, yo te kenbe I kouvri epi dòlote. E se sa ki pwoblèm lan avèk twòp swadizan Kretyen, yo se plant ki gade nan kay chofe. Se vre. Nenpòt ensèk ka atake yo! Ou konnen, se sèlman yon—yon... Se sèlman yon—yon plant delika ke yo te flite, oswa, se plant ibrid.

100 Ou konnen, pran yon bèf Ras pi epi kite I deyò la nan savann lan, kite yon vrè de vrè deyò a la, bèf sa ka degaje I poukont li paske li se yon oriijinal. Men pran yon Brangus oswa yon Ras pi ke yo te kwaze pou vin yon ibrid, li gen pi bèl aparans, sèten, pi gra e pi anfòm, men kite yo soti deyò la, yo paka degaje yo poukont yo. Y ap mouri! Ou oblige dòlote yo. Ou wè?

101 E se sa ki pwoblèm lan jodi a, nou gen Kretyen ki byen abiye, pi gwo legliz, ak pakèt—pakèt edikasyon, pakèt teyoloji, men ou oblige dòlote yo tout tan, ou oblige wè bagay la menm jan avèk yo osinon ou pa wè anyen. Sa nou bezwen se Kretyen pur sang, ki ne anba San Seyè Jezi, ki ap viv non pa apa avèk teyoloji legliz, men apa avèk Pawòl Bondye a, an kominyon avèk Kris. Pawòl la antre nan kwayan an, kò espirityèl li—li byen bati. Pa yon bebe ki te gade nan yon sè/kay chofe!

102 Gen yon sèten minis ki te di jodi a, m te tandé l, li te di nan radyo, li te di, ke lè l te antre nan peyi a, li te gen yon gwo pwoblèm sinizit, e yo t ap pale de operasyon. E yo ta pral fè sesi *sel*a, pou met kouto sou li pou opere l, epi retire pati glann sinizit la, sa ki ta pral fè figi l plonje antre, ak bagay konsa. Li te di ke l te pran gress an grann kantite. Sanble l te gen sitèlman gress pou l te pran. Men lè l te rankontre yon bon doktè Kretyen, doktè a te di, "Ann blye zafè gress sa yo e ann blye zafè operasyon an, epi annou ranfòse kò a pou l ka reziste a sinizit la."

Se te fini!

103 Ki pwoblèm ki fè moun pa viv ase lontan jan yo te konn fè a? Nou oblige pran yon vaksen pou sesi e yon vaksen pou *sel*a, epi flite sou kò nou tout sòt de medikaman. Kisa sa fè? Sa ramoli nou, nou vin gwo, anfle, pa itil. Kan moun lontan...Enben, nou fè alèji ak tout bagay. Kounye a yo gen anti alèji ak tout lòt bagay.

104 M te kanpe an Afrik, si m pa t ka pran yon vaksen pou malarya. Men yon moustik malarya ki tap poze sou men m, m t ap pran malarya. Yo pa fè bwi, e ou remake yo apèn. Yo klere, yo jis klere, se tou, e ou pran. Si w ret an vi, w ap genyen l pandan kenzan. E pafwa ou mouri avè l. Te gen natif natal sa yo nan ti kay tè yo, ak moustik sou tout janm yo, yo toutouni. Moustik kole sou yo, moustik malarya, e sa pa t deranje yo. Poukisa? Yo te vin iminize. Yo te gen yon rezistans ke Bondye bay.

105 E se sa ki pwoblèm lan jodi a avèk moun yo. Se sa ki pwoblèm lan avèk legliz. Nou te pran tèlman vaksen pou bebe ak teyoloji ke lòm fè, jouk yo te flite nou toupatou. Sa nou bezwen se iminizasyon Bondye pa Pawòl Seyè Bondye a.

Lòm va viv chak jou ak jan de Nouriti sa, pou bati nanm li nan yon iminizasyon kont maladi espirityèl k ap koule k ap sote toupatou nan peyi a. M gen anpil nòt sou sa, men m ap oblige rete.

106 Kounye a, bati w, prepare w pou iminizasyon an. Bon, n ap viv ak sesi, kò nou—nou oblige gen sesi. E, si nou pa pran yo tout sòt de maladi ap ka antre. E Pawòl Bondye a, alòske nou kwè L e aksepte ak kominyon, “Seyè, Pawòl Ou se Verite.”

107 “Legliz mwen di ou pa oblige ne de novo. Yo di, ‘Bay lanmen an se sa ki ne de novo a.’ Yo di, ‘Aspèsyon.’ Yo di tout lòt bagay sa yo, ‘Se fini, Pè, Fis e Sentespri.’” Men Bib la di pou batize lan Non Jezikri. Ou wè? Kounye a, al an avan avèk vaksen atifisyèl sa yo si w vle, ou va rann tèt ou yon Kretyen atifisyèl. Ou wè? Ou pa vle sa.

108 Ou ka gen Lavi, se sèlman atravè Kris. Kounye a kisa Pawòl Li a fè? Li bati kò espirityèl nou, solid, pandan n ap kominye avèk Li, pou reziste a dyab la.

109 Ou di, “Frè branham, se sa ou di, ‘pou ap kominye nan Pawòl Li?’”

110 Wi, Li se Pawòl la. “Nan kòmansman se te Pawòl la, e Pawòl la te avèk Bondye, e Pawòl la te Bondye. E Pawòl la te vin lachè e Li te abite pami nou.” Nou dwe manje kò Li. Alò kò Li se Pawòl Li, paske Li se Pawòl la. E Li di, nan Sen Jan 15, “Si w demere nan Mwen, epi kominyon Mwen, Pawòl Mwen, demere nan ou, alò ou ka mande sa w vle e sa ap akonpli pou ou.” Men ou. Se laverite. Ou wè, mande sa w vle!

111 Kisa w ap fè? W ap bati kò w pou iminizasyon kont...Yon moun ka vini pou di, “Oo, legliz nou pa kwè nan rele.” Ou wè, ou bati. Kisa? Ou gen kominyon nan

ou, Pawòl la. E ou iminize kont sa. Si yon bann tenten vini, kisa l ye? Li pa gen okenn Pawòl ladann, alò ou sèten ke li fo. Mwen pa fè ka jan sa parèt reyèl, si se pa Pawòl la kite l frankil. Drèt la, kite sa frankil. Pe enpòt sa l ap fè, sa dwe konpare ak Pawòl la!

112 Nan lapriyè, pandan m t ap site Miche ki te kanpe la, ap gade, li t ap gade vrèman toudwat, pandan te gen Izrayèl, ak pòsyon teren sa ki te pou yo. Etranje sa yo te vini e yo te depouye yo de li pou yo te bati pwòp kay pa yo, epi yo te okipe yon pati peyi sa ke Bondye te ba yo a. Kidonk ta sanble tankou katsan pwofèt Ebre sa yo te gen rezon. Men, ou konnen, te gen yon bagay apwopo de Jozafa ki te espirityèl, li te di, “Èske nou pa gen yon lòt?”

113 Li te reponn, “Mwen gen yon lòt, men,” li te ajoute, “Mwen rayi l. Sèl bagay li fè se pwofetize mechanste.”

Li te reponn, “Al chache l epi annou tande l.”

114 E li te monte, li te di, “Ale, al anwo a la, men m te wè Izrayèl epapiye tankou mouton ki pa ki bèje.” E konsa li te rakonte vizyon l lan.

115 Bon, Kilès ki te gen rezon? Ta sanble ke katsan yo te gen rezon. Katsan zòm byen antrene, ki t ap di, “Monte, Seyè a avèk ou.” E menm Sedesyas te fabrike yon—yon—yon te fè yon...Sedesyas te fabrike de kòn an fè. Li te di, “Avèk sa a ou va repouse etranje yo deyò peyi a.” Li te sèten ke l te gen rezon. Li te konnen l te gen rezon. Men, ou wè, li te gen tò.

116 E la, Miche, youn kont katsan, li te di, “Si w monte, Izrayèl ap dispèse, san okenn bèje.”

117 Lòt yo te di, "Monte, Seyè a avèk ou!" Kounye a, materyèlman, yo te gen rezon, plas la te pou Izrayèl. Men Pawòl Seyè a te kondane Akab, kifè kijan Bondye ta ka beni sa L te kondane?

118 Men ni jodi a. Ou wè? Pawòl kominyon an te nan Miche. Kounye a, si w ap kominye ak Bondye nan pran vrè kominyon an, epi lespri nan ou a pa dakò ak Pawòl sa a, ou pap kominye ak Bondye, w ap kominye ak demon. E yo sitèlman imitatè! Bib la di, "Nan dènye jou yo yo ta ka prèske sedui menm Eli a si se te posib. Men syèl ak tè a va pase, men Pawòl Mwen pap pase." E si yon...Pòl di, Galat 1:8, "Si yon anj ta sot nan syèl la ap preche yon lòt levanjil ke Sa a ke w déjà tandé a, ke I modi." Menm yon anj! Nan legliz primitif, kan mesye sa yo, tankou Sen Martin, Irene, mesye sen sa yo, lè dyab la te konn parèt tankou yon anj limyè. Men, obsève, I ap on tijan akote Pawòl la.

119 Li te parèt devan Èv antan ke anj limyè, li te di I, "Sèten, Seyè a te di sa, Seyè a te di sa," men li pa t dakò ak Bondye ditou alafen. E se fason sa fo kominyon an fè jodi a. Kan moun yo panse y ap priye Bondye, e yo pap obeyi a Pawòl la, se yon fo kominyon.

120 "Si w demere nan Mwen, e Pawòl Mwen nan ou, alò mande sa w vle," ou wè, "e sa va fèt." Bon, sa jis pa ka ale yon fwa, alò akote pwochèn fwa. "Demere nan Mwen, Pawòl Mwen demere nan ou," sa se, rete la a. Demere vle di "rete la, rete drèt la." Wi, se—se iminizasyon kont maladi.

121 Bon, kite m fini pou ap di sèl mo sa kounye a, anvan n al sou tab kominyon an. San ak Kò Seyè a, melanje avèk lafwa, sa a se San ak Kò a, se Lespri ak Pawòl la, melanje avèk lafwa, sa egal Lavi Etènèl. "Sila ki manje Chè M e ki bwè

San M gen Lavi Etènèl, e M ap resisite I nan dènye jou a." Men ou. Kisa sa ye? Kominyon Seyè a. Pawòl la ak Espri a, Vi sa a li nan San an, Pawòl la ak Espri a egal Lavi Etènèl, ak lafwa nan Seyè a.

122 Men priyè mwen, pandan ke mwen wè lafen ap apwoche pou wè, a nenpòt ki moman, yon bagay ka rive, epi konsyan ke nou pa trè Iwen Vini Seyè a:

Seyè, alò lan Non Seyè Jezi, Pitit Bondye a, kite m pran Pawòl sa, Epe sa, pou ap ajite L avèk kèlkeswa fwa m genyen an, pou fè wout atravè chak pwisans demon, jouk mwen wè Jezi, pa kominyon ak Pawòl Li.

123 Kominye ak Pawòl Li. "Si w demere nan Mwen, e Pawòl Mwen demere nan ou, alò mande M sa w vle e sa va fèt pou ou." Ala bèl! Gen veritab kominyon ak Pawòl e Espri a, avèk lafwa pou ap ajite Sa ansanm, "Mande sa w vle, e sa va fèt pou ou." Annou priye.

124 Bondye Papa Sen ki Nòb e ki fè Gras, gran MWEN YE a, El Shaddai la, pou Abraham. O Bondye, ala gran kominyon sa avèk Seyè a egal Lavi Etènèl, epi ala Sa iminize kont lògèy, ala sa iminize kont enkredilite, ala sa iminize kont peche mond lan! Se kominyon an, avèk lanmou Diven pou Pè Selès nou an. E pa jistis Jezikri nou gen aksè a tab sa a. E nou priye, Seyè, ke W ap bay nou chak aksè aswè a, a Espri a. Padonnen nou. E nou vle ke kò espirityèl nou grandi. Nou pa enterese nan vin fè pati yon legliz oswa yon denominasyon. Nou vle bati kò espirityèl la, pou iminizasyon kont peche, nan yon pwen kote pa gen okenn dezi pou fè mal, e kote Sentespri a ka pran Pwòp Pawòl Li ak bouch nou, pou pwononse L jis tou fre menm jan Sa te pwononse jou sa, paske Se menm Espri ki te nan Seyè Jezi a. Mwen priye, Papa, ke W va bannou sa.

125 Lè ya ap fini. Jouk kilè, nou pa konnen, ke dènye a pral sove. Men mwen priye aswè a, Seyè, si genyen isi a ki pa konnen W kòm Sovè yo, ke yo jwenn Ou aswè a pandan ke y ap vin nan dlo batèm lan, antan ke souvni, pou konfese a ansanm kwayan yo ke yo kwè istwa Jezi Nazarèt ki te ne de vyèj Mari a, ke yo te touye, ke Pons Pilat te krisifye, ke Bondye te resisite twazyèm jou a, e li chita adwat Majeste Li, aswè a, ap viv pou tout tan pou fè entèsesyon.

126 Akòde, Seyè, ke menm moun sa, k ap obeyi kòmandman Bib la, "Repanti, nou chak, epi batize lan Non Jezikri pou remisyon peche nou. Paske pa gen lòt Non anba Syèl la ki te bay pami lèzòm pou w te ka sove." O Bondye, ke moun yo ka wè senserite a, ak Pawòl fèm sa, "Pa gen yon lòt Non anba Syèl la ki te bay pami lèzòm pou w te ka sove, ke lan Non Jezikri." Kidonk, apot la di, "Repanti, nou chak epi batize lan Non Jezikri pou remisyon peche, e ou va resevwa don Sentespri a. Paske pwomès la se pou chak aj, an otan ke Seyè Bondye nou an ap rele." Akòde, Seyè ke ap gen plis ke yo rele aswè a.

127 Sa te di tou, pa Seyè nou an, "Pèsonn pa ka vin a Mwenmenm si Papa M pa atire I, e tout sa Papa te ban Mwen ap vin jwenn Mwen. Brebi M koute Vwa Mwen." Yon etranje, si yon etranje pale, yon vwa ki pa selon ekriti a, rapidman brebi a ap rekonèt sa. O Bondye! Si se Vwa W, Bib la, kisa Sa di, chak brebi ap koute L, paske Se nouriti brebi. Yo te kominye. Yo konnen kijan de Nouriti Papa a bay. "Lòm pap viv ak pen sèlman, men ak chak Pawòl ki soti nan bouch Bondye." Akòde, Seyè, ke anpil va wè e va konprann, e va vin jwenn Ou aswè a.

128 Sa yo ki pa gen Sentespri a, yo remèt sa pou yon lòt lè. Yon lòt lè ka two ta. Yo ka petèt pa isit la.

129 E, Papa, alòske n ap rasanble toutotou tab la kounye a pou pran reprezantasyon kò brize W sa a, nou priye ke si gen peche nan mitan nou, Seyè, padonnen nou. Ou di, "Kan nou vin ansanm, ret tann youn lòt." Bondye, si gen yon peche nan kongregasyon sa a, nenpòt ki kote a, m priye ke San Jezikri separe nonm sa avèk peche li, oswa fanm sa, gason oswa fi sa. E, Papa, m priye pou tèt pa m, ke W va separe m de chak dout, chak peche, chak enkredilite, tout sa ki...Nou konnen ke enkredilite se peche. Se sèl peche ki egziste, se pa kwè Pawòl Bondye a. E, Papa, si gen nenpòt enkredilite nan mwen, padonnen m, O Bondye, e gen anpil, m priye ke W padonnen m. Padonnen kongregasyon ke W ban mwen aswè a, e nouri yo sou Pawòl la. Akòde I.

130 Pandan n ap pran ti souvni kò brize L Ki resisite e vivan pou toujou pami nou an, ke nou ka resevwa kominyon ki vin de Li, Seyè, kominyon Sentespri a. Akòde I, Papa. Nou mande I nan Non Jezi. Amèn.

131 Bon, pou noumenm ki oblige pati e ki pa ka rete pou apeprè kenz minit sèvis kominyon an...Nou pa anpil, e n ap pran kominyon an. Se pa yon kominyon fèmen. Se absoliman pou tout kwayan Kretyen. Bondye pa trase liy ant Batis e Metodis, e latrье. Nou tout, pa yon sèl Espri, nou te batize nan yon sèl Kò, e nou se sitwayen Wayòm Bondye a. E si ta gen yon moun pami nou ki etranje, m pa isi a souvan, m pa konn kimoun ki se manm ou pa. Sonje, pe enpòt legliz ou fè pati, sa pa gen anyen pou wè avèk sa. Gen sèlman yon sèl Legliz, de tout fason, e ou pa antre Ladann, ou ne Ladann. Se vre. E ou ne nan Legliz Bondye sa. E nou priye ke w ap resevwa Kris aswè a, kominye avè L pandan n ap raple nou kò brize Li a, e ti

eleman, peryòd pak, sa yo ke n ap pran, ke Bondye wouze kè nou ak konsyans nou avèk San an.

132 Kounye a yo pral vin ak kominyon an, e n ap li kounye a apati de 1 Korentyen, chapit 12. E nou pral pran kominyon an imedyatman apre sa a, e nou gen konfyans ke Bondye ap beni w anpil anpil. Alò osito nou fin li sa a, oswa jis anvan nou li l, si w dwe pati, ebyen, ou ka soti trankilman. E apresa ou va avèk nou ankò Mèkredi swa, ak Dimanch maten e Dimanch swa. Si w pa ka rete pou pran kominyon an avèk nou, nou t ap tèlman kontan pou w pran l.

Answit imedyatman apresa, se va Seyè...se va sèvis batèm lan, sa ki ap fèt nan apeprè kenz minit, oswa ven minit pou pi plis, m sipoze. 1 Korentyen, chapit 11, vèsè 23.

23 Paske, men sa Seyè a te fè m' konnen, se sa menm mwen te moutre nou tou: Jou lannwit yo te trayi l' la, Seyè Jezi te pran pen,

24 Iè li fin di Bondye mèsi li kase l', epi li di: Sa a se kò m', se pou nou li ye. Se pou nou fè sa pou nou ka chonje mwen.

25 Konsa tou, apre yo fin manje, li pran gode diven an, li di yo: Gode sa a se nouvo kontra Bondye fè avè nou nan san mwen. Se pou nou fè sa chak fwa n'ap bwè ladan l' pou nou ka chonje mwen.

26 Se konsa, chak fwa n'ap manje pen sa a, chak fwa n'ap bwè nan gode sa a, se lanmò Kris la n'ap anonse jouk jou Seyè a gen pou l' vini an.

27 Se poutèt sa, si yon moun manje pen Seyè a, osinon li bwè nan gode Seyè a yon jan ki pa konvenab, moun sa a koupab, paske li peche ni kont kò Seyè a ni kont san li an.

28 **Se pou chak moun egzaminen tèt yo byen anvan. Se konsa y'a mèt manje pen sa a, y'a mèt bwè nan gode sa a.**

29 **Si yon moun manje pen sa a, si l' bwè nan gode sa a san li pa rekonèt rapò pen an ansanm ak diven an gen avèk kò Seyè a, se rale l'ap rale yon jijman sou tèt li lè l'ap manje pen an ak lè l'ap bwè nan gode a.**

30 **Se sak fè gen anpil moun malad konsa nan mitan nou, anpil moun k'ap soufri feblès, san konte sa ki mouri deja.**

31 **Si nou te egzaminen tèt nou byen anvan, nou pa ta tonbe anba jijman Bondye a.**

32 **Men, Seyè a jije nou, li peni nou konsa pou li sa pa kondannen nou ansanm ak moun ki nan lemonn yo.**

33 **Se sak fè, frè m' yo, lè nou reyini ansanm pou manje manje Seyè a, se pou yonn tann lòt.**

133 Bon, jis yon moman priyè an silans nou tout, priye pou mwen pandan m ap priye pou ou. [Frè Branham ap priye tou dousman—Editè a]...?...

Akòde rekèt sa yo, Bondye Toupwisan. Padonnen nou transgresyon nou yo menm jan nou padonnen sa yo ki transgrese kont nou. Nou mande sa lan Non Jezikri. Amèn.

134 Ti eleman sa yo se pen kachè ki fèt san mantèg, san epis, e latrìye, ki reprezante kò Seyè a. Li pa tou won, li brize an ti moso. Se paske sa vle di kò brize Li ki te brize pou nou. Ke Bondye akòde benediksyon L a chak moun k ap manje I. Bon, se pa kò a, sa sèlman reprezante kò a. Mwen pa gen okenn pouvwa, ni

okenn lòt, pou rann li ankenn bagay ke pen. Bondye sèlman. E se sa Li di nou, pou manje pen sa epi bwè koup diven sa. Kounye a annou koube tèt nou.

135 Bondye Ki pi Sen an, ke nou se sèvitè a, lan Non Jezikri, sanktifye pen sa pou itilizasyon nou gen entansyon fè avè l la, pou fè nou, alòske n ap resevwa l, sonje ke Seyè nou an te krisifye; ke kò Li, presye e sen jan l te ye a, te make ak kout fwèt ak pikan ak klou, pou nou, pou nou te ka atravè kò filange L la gen aksè a Espri a ki bannou Lavi Etènèl. Seyè, ke nou, pandan n ap manje sa, jwenn gras nan vwayaj la, tankou Izrayèl te jwenn pandan karantan nan dezè a, e pa t gen yon sèl ki te fèb pamí yo. Bondye Papa, akòde sa, alòske n ap priye W pou sanktifye pen sa, pen kachè sa, pou entansyon itilizasyon l. Lan Non Jezi. Amèn.

136 Koup Nouvèl Alyans sa, San an. M panse a kantik sa:

*Depi lè pa lafwa a m te wè kouran sa
Ke blesi w yo k ap degoute te alimante,
Lanmou ki te rachte m te vin tèm chante m,
E l ap sa jouk mwen mouri.*

137 Kan m wè san sa, rezen, san rezen an, mwen konnen sa reprezante San an ki te soti nan kò Seyè Jezi an. Ke a jamè sa yo k ap resevwa sa gen Lavi Etènèl, ke maladi pati kite kò yo, ke enkyetid ak feblès, presyon, ke dyab la (sou tout fòm) kite yo, pou yo ka gen gwo fòs ak sante ak Lavi Etènèl, pou pèmèt limyè yo ap briye devan jenerasyon adiltè mechan sa n ap viv ladann lan, pou glorifye Bondye.

138 Pè Selès, nou prezante W fwi viy sa. Lan Non Jezikri, sanktifye l, pou l reprezante San Pitit Ou a, Jezi, Kote nou jwenn, "Li te blese pou transgresyon nou, pa blesi L yo nou te geri." Akòde, Seyè, ke Lavi va vin jwenn nou, Lavi Etènèl nan

grann abondans, pou nou ka sèvi W pi byen, gen fòs ak sante pou mennen nou de plas an plas kote nou espere sèvi W, pe enpòt kote W va rele nou. Akòde benediksyon sa yo, Ian Non Jezi, nou priye. Amèn.